

太上拔罪解冤真符 具位臣姓 某謹封

方函

太上拔罪解冤真符告下  
天牢地獄三界無極神鄉 具位臣姓謹重封  
靈寶无量度人上經大法卷之五十六

靈寶无量度人上經大法卷之五十七 三五

鍊度秘訣品

玄師曰昔上帝哀憐下方幽魂拘逼北方  
溟海之中泉曲之府九幽長夜等獄悉由  
超度故說經教以拔衆生使九華真人理  
於南昌上官主九幽之下宿對死魂又有  
南昌度命君鍊度死魂中有流火之庭飛  
焰煥於八方流火之膏鍊身則體生玉光  
明如眸子南極真人亦理於宮中應諸學  
道仙品未克皆詣流火庭內南極真人鍊  
以火膏及月中黃炁洗煉滄除塵垢得與  
真人為侶如生人煉度身形則魂神徑上  
南宮受煉於流火之庭隨其真修學功之  
淺深準計年月之多寡時限既畢即得更  
生雖經時積歲有如轉頃不覺稽延從茲  
已往便期神三五仙其火池靈童名曰縷尾每  
至劫運一交即以陸丘之衆計即量行補  
昇朱陵之宮受福為仙官豈小補哉赤明  
闡運元始錫為梵度天王太无真人遷居  
天王之府度長夜之魂遣南昌上官朱陵

天府官童將吏種種印法下降塵世傳付  
有道之士代天行化濟拔幽實受此法者  
補克南昌上官鍊度真官兼知黃籙院事  
此則以神煉神以炁煉魂此行此大法誓  
願三元之日開壇煉度普天之下五道四

生幽魂滯魄起離三塗得生人天未克功  
德凡陰魂未經受煉不過三尺喙邪跋躓  
形體不具並未完全罪垢汙染身常穢陋  
繞經煉度之後方得全形罪垢烟消冤愆  
解釋身有光明此與煉度畢變化經財寶  
籙符誥與之收執差天道功曹齋執公文  
押付黃籙院交割取亡魂三世罪籍看詳  
除誣天謗地為臣不忠為子不孝暗損生  
靈賊害善良之外各隨功果速與受主免  
致沉滯則可以上副  
太上好生之意也

元始靈寶自然九天生化超度陰煉

秘訣

此焚香西東九拜啟白齋意再九拜平生  
調神正炁誦生神寶章九過每一過引炁

一口直入丹田即存九炁灌身於身中水府聚九炁之光結一嬰兒與已相肖嬰兒向外握固端坐餘光攝覆地形神光明須臾五藏五色之炁如雲自下而升也蓋嬰兒自夾脊雙關上入泥丸化為黍珠寶珠嬰兒即為元始玉藏雲炁即為獅子元始即於寶珠之內玄坐五色獅子之上百千萬億光明洞煥諸天諸地明徹表裏次存三十二天萬聖千真淨空而來咸入寶珠之中元始帝前各各長跪如聽法狀

諸冥官獄吏列班朝禮於都門之外都水府之後腰脊骨之前朝禮畢即有十方飛天神王駕車金童翊衛其側手執元始符命自帝所而水道皆乘光而下徑入都諸獄應諸罪魂並皆赦宥即時出獄集於都都官前

空散哺諸魂享以法食一一飽滿訖次存春骨為升天大法橋接至朱陵府也下通水府玉童玉女手執幢幡飛香散花引諸亡魂升橋至朱陵火府府中有長生大君服帝王司馬大神韓君丈人服青衣司命司錄延壽益算度厄尊神羅監度諸魂入大火池猛火煉度一經火煉並衣天衣有百千火龍自火池中乘火焰躍出載諸亡者歷十二重樓飛空而上直至玉清境而拜元始上帝致身寶光之中先即冥心湛然物我兼忘寂然不動勿問亡者去住何地稍掛一絲不成究竟元緣超度

煉度師尊官吏

太一尋聲救苦天尊太微南極長生大帝九天好生韓君丈人主煉仙魄南極真人主煉亡魂九華真人上清黃籙院使副真君上清黃籙院仙兵主宰南昌上官煉度靈官南昌上官煉度玉女南昌上官煉度童子南昌上官九光童子南昌上官火陵童子南昌上官

丹靈大神南昌上宮暗華大神南昌上宮玄  
 英大神南昌上宮變身大神南昌上宮復相  
 大神南昌上宮正精大神南昌上宮火府大  
 神南昌上宮返形大神南昌上宮脫胎大神  
 南昌上宮斷脍大神南昌上宮散滯大神南  
 昌上宮解結大神南昌上宮返魂大神南昌  
 上宮度魂大神南昌上宮超化大神南昌上  
 宮好生大神南昌上宮召魂大神南昌上宮  
 天醫神吏煉度符吏仙兵火池水沼使者南  
 昌上宮上奏靈官南昌上宮召魂童子掌煉  
 度天印靈官南昌上宮承受玉女六道功曹  
 神君直壇土地


應南昌祖師至真官吏並立靖室專一早  
 晚焚香持誦中篇禮獻仍持念  
 玉清聖境元始天尊太乙救苦天尊御統  
 各三百聲玉皇寶號一百徧願煉幽魂早  
 遂生天終始勤之母息女息

靈寶无量度人上經大法卷之五十七

靈寶无量度人上經大法卷之五十八 五六  
 生身受度品

師曰靈寶五煉生身受度名曰返真洞玄  
 玉髓无上秘要昔靈寶天尊受元始天尊  
 之秘訣付太一紫府太陰九華真人傳受  
 南昌度命君主之本出於大有之宮煉金  
 成字刻玉為編靈童侍軒仙妃主笈上則  
 安鎮乾坤中則分割日月星辰下則陶成  
 萬物實為萬道之宗至尊至極始因太上  
 於赤明初開化萬品觀見衆生受諸苦趣  
 造三業六情凡入地獄萬劫沉淪无緣超  
 度深可悲哀遂命南極度命君受其靈文  
 秘法煉度生身則使罪障蕩除百年熱盡  
 不為地司所執身有玉光得與真人為侶  
 故云生身受度劫劫長存隨劫輪轉與天  
 齊年於是瓊函玉典迤邐相傳漸出人間  
 其玄又玄是謂无所不度无所不成豈曰  
 小補之哉行此靈寶大法者不嫌不妬齊  
 同慈愛異骨成親其道必成如違科敷禍  
 及七祖戒之戒之

壇式



建壇之法叩齒三通存神為去明和陽天  
 帝訣中指中文念淨天地呪取東南燕念  
 呪曰  
 混沌赤文无无上真元始祖劫化生諸天開  
 明三景是謂天根上无復祖惟道為身五文  
 開廓普植神靈无文不先无文不明无文不  
 立无文不成无文不度无文不生  
 念畢存身五臟中有五色光彩從口中出  
 照耀天界吹存其壇曰東方壇曰玉陽館  
 如空洞中青光煥爛如碧玉次存南方壇